




LAGUN ARTEKOAK

BIZE-PRESIDENTE

1

Bize-Presidente da
Oiarbide jauna,
mundu guztiak daki
artakoa dana;
emeki egingo du
artzen duen lana;
bedeinka bedi bera
egin zeban ama.

2

Kapillau dutelarik
don Joaquín Campos,
abilla da bera txit
buruz eta zankoz:
prestua ta zuzena,
alegre a gogoz,
jantzia arkitzen da
doain eder askoz.

3

Bokal don Jose Galo
Mendizabal-koa,
gizontasunean da
txit gain gañekoa;
jostaldiarako prest
beti du gogoa;
ez da erraz billatzen
non-nai alakoa.

4

Don Jose Antonio
Aseginolaza,
onen aldetik ezta
galduko jolasa;
lagun ondraduakin
egongo da lasa,
sekretariotzera
omen zaizu pasa.

5

Lau gizon maitagarri
prestu oen griña,
ezin altza nezake
bear dan adiña:
alde askotara da
arras atsegiña,
ojala alakoak
guziok bagiña.

AI, AU KONSUELOA

1

Ai, au konsueloa
dadukat nerekin
arkitzen naizalako
lagun prestuakin;
maitatzen ditudana
badakite berdin,
onara etorria
ez det batere miñ.

2

Magdalena izanik
ain santa aundia,
toki onean zuen
autatu aulkia;
beraren zorionaz
gaitean balia,
ondratzen degularik
gaur Erretereria.

3

Egia esan gabe
ez nezake utzi;
gende prestua da txit
Renterian bizi;
alkatea koplatu
nai det lendabizi
goi-gora altzatzea
berak du merezi.

4

Gipuzkoa oi dabill
beti onen billa
ezaguturik dala
txit gizon abilla;
beraren serbitzari
on izan dedilla,
aspaldi igaro zan
berri au Madrilla.

5

Badakigu txit gizon
maitatia dala;
igaz Diputadu zan
aurten ere ala;
jakintsuna da eta
txit kolko-zabala,
Jaunak urte askoan
konserba dezala.

6

Egokia dalako
auturik daukate
Errenterian bera
Juez ta Alkate;
gañera Terzio-en
dago komandante;
luzaro bizitzea
ez du iñork kalte.

7

Egiteko guziai
aldebat utzita
gustora bear degu
gaur entzun musika:
dama eder batekin
dantzan asi eta
ikusi nai nuke nik
emen Sasi (eta) [¿Arrieta?]

NERE ADISKIDE ON

1

Neure adiske on
irme ta mamia,
artu det izkida, zeuk
euskaraz jarria;
aiñ dago goixoa, ta
ederki neurria,
irakurten emon deust
atsegin andia!

2

Berbatik ezagun da
gizonaren griña,
agerri da zerala
euskaldun tint piña;
esker onak emonaz
zeuri asko milla,
gura neuke erantzun,
baino ez naiz diña!

3

España guztiko
jaun, eta jabea,
buru-ontar Fernando
geure Erregea:
biotzetan daukagu
ondotxo gordea,
ezin gentzake izan
beste bat ohea.

4

Bere alaba, anai,
emazte ta guzi
urte askoz dezala
Jaungoikoak bizi;
biotzeko mamitio
ez gentzake itxi,
euskalduna maite du,
ez alere gitxi!

5

Kantauritarrekaz da
itzkuntza eurena,
mundu guzti-guztian
izan zan lenena;
oraingiño-ko-etan
danik ederrena,
nork eztaki gu aen
tokian gaudena?

6

Geuren asaba onak
euskara garbia
gordairu zuten ondo
zeren dan argia;
aek bezin maite guk
bagendu Erria,
ikasola bertatik (1)
legoke jarria.

7

Txori-buru puztuen
lumatzar ariñak,
jalki izan dituzte
berba latz samiñak:
galtzeko euskararen
erro mardul piñak,
baino alperrik dira
euren alegiñak!

8

Gure euskara ezta
burutik jauzia,
sasoian arkitzen da
oraño guzia:
irabazirik, bidez,
besteai auzia,
agertuko da noizbait
ederki jantzia.

(1) Ikastola, Paulo Uribarri'ren ametsa zan

9

Paulo Urribarriko
gogoangarria,
badakit zeradela
euskaldun garbia:
Jainkoak deusatzula
zori-on ankaia,
zeure gurarirako
naz Etxebarria.

AU DA FARRAGARRIA

1

Au da farragarria
(ene!) vágame Dios!
(agur)e zar zar bati
(bertso) berriok...
(Orain) norbaiti ere
ekin bear diot,
(non)dik ote ditudan
(esp)antu andiok.
(Itz)a eman diot
(m)illa amorioz
nagola serios;
ixilduko ditudala
erronka-andiok

2

Bertsolaria zein dan
ezta deklaritzen;
sasitik asi zaizkit
arri tiratzen;
ukitu ez banindu
ixillik negoen;
ezdakit neregandik
zer nai ote duen;
ez naiz ni arren men,
ez orain ta ez len,
zenbat uste duen,
frututik ezagun da
arbola zer den.

3

Uztegiko Argiña
bertsolari piña,
ba daukak fantasia
konbeni adiña;
ogeï ta launa urtez
igual bagiña,
iri koplak ematen
zer tripako miña!
eniok aitzina;
nai dukan adiña
egik alegiña;
partidarekin mintza-
tzen aiz, argiña

4

Uztegi-ko argiña,
mortero-gillea,
errodek paratu dek
jardun-bidea;
zarrak ateratzeko
auxen dek tildea!
Jaunak eman grazia
ez al duk irea;
argintxo noblea,
naiuke nonbrea
nik baño ohea;
graduren bat falta duk
ik (or) ordea.

5

Anuiz-tar balleko
koplari berria:
(goi)goieneko mallan
ago jarria,
lurreratu naiean
agure elbarria;
nere urte joanaz
nai badek balia;
para juzkaria,
naiz predikaria;
errain dik egia,
zeñengan gelditzen dan
jakinduria.

POEMA MUSICAL

1

Ut, re, mi, fa, sol, la, si
oju, ta garraixi,
musika kizkar piña
ikasten naiz asi:
zarrabet, txirol, bolin
txun, txun eta guzi
zarzaroko baneza
zerbait irabazi.

2

Brun, brun, kikiri, tirtrat
gozoak eta miñ,
musikaren puntuak
bear dira jakin:
batzuek donarioz,
besteak txit ariñ,
prist, prust, brin, brun, ta fite
oi dirade egin.

3

Seminima, kortxea,
fusa, ta kalderon
au ikustean geldi
bearko det egon:
turruntun, txiruliru,
tarrapatan, pinpon
guztia jakitea
gizonak txit du on.

4

Ikasi al baneza
nago ni premian
maisu onak daduzkat
Aitxeri-Errian:
musika(ko) itzkuntza
zar eta berrian
trebe arkitzen dira
nere idurian.